



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

## **BASES ESPECÍFICAS E CONVOCATORIA DE CONCESIÓN DE SUBVENCÍONS, EN RÉXIME DE CONCORRENCIA COMPETITIVA, DIRIXIDAS A ASOCIACIÓNS DE NAIS E PAIS DE ALUMNOS PARA A REALIZACIÓN DE ACTIVIDADES DE APOIO EDUCATIVO NO CONCELLO DE MUROS PARA O ANO 2024**

### **Primeiro. Bases xerais reguladoras:**

As bases xerais reguladoras da concesión destas subvencións están publicadas no BOP número 7, de 13 de xaneiro de 2020, constituíndo o marco regulamentario xeral de aplicación para as convocatorias que se realicen dentro do seu obxecto.

### **Segundo. Contía:**

O Concello de Muros poderá conceder subvencións de ata un máximo de 2.000,00 € por proxecto. A contía de todas as axudas concedidas ao abeiro desta convocatoria sumará un máximo de 9.000,00 €, con cargo á partida orzamentaria 24/326/48000, correspondente á anualidade 2024.

### **Terceiro. Finalidade e obxecto:**

A finalidade e obxecto desta convocatoria será o definido no artigo 1 das Bases xerais e en particular: contribuír á realización de programas ou actividades de apoio educativo polas ANPA dos centros de ensino público do termo municipal que sexan solicitadas ao Concello de Muros, en concreto as seguintes:

Programas e actividades de apoio educativo, en particular aquelas destinadas a actividades educativas desenvolvidas nos centros de ensino fóra do horario escolar que contribúan á formación integral das persoas en período de escolarización e favorezan a conciliación laboral das familias; gastos de persoal para a dirección e coordinación e desenvolvemento das actividades e material funxible necesario.

De acordo coa lexislación vixente en materia de igualdade e de protección contra a violencia de xénero, non é subvencionable ningunha actividade ou actuación que inclúa contidos ou publicidade sexista e que se poidan considerar discriminatorias, vexatorias ou que inciten á desigualdade ou violencia.



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

#### **Cuarto. Beneficiarios, condicións e gasto subvencionables:**

Serán beneficiarias as entidades que cumpran o estipulado no artigo 14 da Lei Xeral de Subvencións, e que reúnan os requisitos e as condicións contempladas no artigo 3.1. e 3.2. das Bases xerais.

Serán gastos subvencionables aqueles que se recollen no artigo 3.3. das Bases xerais.

#### **Quinto. Órgano competente para a Instrución e resolución e comisión de valoración:**

De acordo co procedemento, composición e funcións previstas o artigo 7 das Bases xerais, désígnanse aos seguintes órganos que interveñen no procedemento de concesión:

- a) Órgano instrutor: un técnico da área de Educación do Concello de Muros.
- b) Comisión de valoración composta polos seguintes membros:
  - Presidenta: alcaldesa do Concello de Muros.
  - Secretario: secretario/a municipal, que participará con voz pero sen voto.
  - Vogais: A concelleira delegada de Cultura e Educación do Concello de Muros, o interventor, ou funcionario do departamento de Asuntos Económicos no que delegue e a Técnica da área de Educación.
- c) Órgano competente para a concesión da subvención e a disposición do gasto:
  - A Alcaldesa Presidente ou órgano en que delegue.

#### **Sexto. Prazo de presentación de solicitudes:**

O prazo de presentación de solicitudes será de un mes e iniciárase no día seguinte da publicación desta Convocatoria específica no BOP da Coruña.

As solicitudes presentaranse nos modelos normalizados publicados como anexos as Bases xerais no BOP núm. 7/2020 do 13/01, e que estarán a disposición dos interesados na sede electrónica do Concello de Muros, por calquera das formas establecidas no artigo 16.4 da Lei 39/2015, do 1 de outubro, do procedemento administrativo común das Administracións Públicas.

#### **Sétima. Prazo para ditar a resolución e practicar a notificación:**

A resolución de concesión notificarase expresamente a todas as entidades solicitantes de forma fidedigna nun prazo máximo de tres meses dende a data límite de presentación de solicitudes. As subvencións concedidas publicaranse no taboleiro de anuncios do Concello de Muros e na súa páxina web [www.muros.gal](http://www.muros.gal).

Vencido o prazo máximo sen que sexa notificada a resolución expresa á persoa interesada deberá entender desestimada a solicitude por silencio administrativo.



CONCELLO DE MUROS

Curro da Praza, 1  
15250 Muros  
A Coruña  
Tfno.: 981 826 050  
correo@muros.gal  
www.muros.gal

Concederáselles un prazo de audiencia de 10 días hábiles para presentaren, se fora o caso, a desistencia da solicitude, a reformulación, o cambio de obxecto, ou as alegacións que consideren oportunas. No caso de non formular desistencia expresa, a subvención considerarase aceptada tacitamente. Poderase prescindir do trámite de audiencia cando non figuren no procedemento nin sexan tidos en conta outros feitos nin outras alegacións e probas distintas ás aducidas polas persoas interesadas.

**Oitavo. Prazo de xustificación:**

O prazo para a xustificación das subvencións finalizará o día 26 de decembro de 2024.

**Noveno. Fin da vía administrativa:**

O acto de resolución da subvención esgota a vía administrativa, sendo susceptible de recurso de reposición perante o mesmo órgano que resolva, conforme o dispón o artigo 123 da Lei 39/2015, no prazo de un mes a contar dende a día seguinte da recepción da notificación, sen prexuízo de que se poida interpoñer calquera outro recurso que se estime procedente.

**Décimo. Referencia normativa:**

En todo o non previsto na presente convocatoria e Bases específicas, serán de aplicación as disposicións contidas na Lei Xeral de Subvencións, a Lei de Subvencións de Galicia e nos seus respectivos regulamentos, así como nas Bases xerais reguladoras da convocatoria das subvencións (BOP núm. 7 do 13 de xaneiro de 2020)

**Décimo primeiro. Entrada en vigor:**

Estas bases específicas entrarán en vigor a partir do día seguinte da publicación do extracto das mesmas no BOP